

動畫 - 夾唔夾呢樣嘢，係要襯至得㗎！（無障礙版本）

畫面內容描述： 畫面出現三隻拿着筷子的手，伸向中間的點心籠，夾了裏面的小籠包。點心籠上出現一個「夾」字。

旁白： 夾唔夾呢樣嘢，係要襯至得㗎！

畫面內容描述： 點心籠旁邊有多個紅字，拼湊成「夾唔夾呢樣嘢 係要襯至得㗎！」的標題。一個臉有雀斑的橙髮男孩從右至左快速地拉出一幅地球與星空的背景。

旁白： 是咁的

畫面內容描述： 男孩站在畫面中間，雙手抱胸，前面出現「是咁的」三個大字

旁白： 呢個世界上，原來有啲嘢係夾就夾，唔夾就唔夾，無得勉強㗎！

畫面內容描述： 然後男孩周圍出現各款食物。男孩左手叉腰，右手拿着筷子，正在思考挑選哪款食物。

旁白： 譬如壽司，就梗係夾魚生啦！

畫面內容描述： 男孩雙手托腮，看着三件魚生壽司，露出垂涎三尺的表情。

旁白： 唔通夾綠豆咖喱咩？

畫面內容描述： 畫面一轉，男孩看着綠豆壽司和咖喱壽司，露出錯愕的表情。

旁白： 而經過熊熊烈火、百度高溫洗禮嘅火腩，最正就梗係配枝竹豆腐啦！

畫面內容描述： 男孩打扮成一塊火腩，被筷子夾着，在烈火上炙烤。畫面一轉，火腩男孩兩旁出現枝竹女孩和豆腐女孩。

旁白： 而講到髮型喇喎，就梗係要襯面型啦！千祈唔好人咁咁剪，你又咁剪呀！

畫面內容描述： 男孩扯開身上的火腩衣服，變成一名蓄「冬菇頭」的男孩，再變成一位蓄「飛機頭」、戴墨鏡的大明星，最後變成一位梳了「公主頭」的金

髮公主。

旁白： 係要襯㗎！同樣道理

畫面內容描述： 畫面出現一下拍照的閃光，之後看到男孩打扮成一位披上橙色斗篷的花灑超人，旁邊出現「有開關水掣嘅花灑頭」的字樣。

旁白： 花灑頭同電熱水爐都要講夾唔夾㗎！

畫面內容描述： 花灑超人慢慢轉身飄離畫面，一名電熱水爐美女出現，旁邊有「花灑儲水式電熱水爐」的字樣。

旁白： 就好似有開關水掣嘅花灑頭咁，係同花灑儲水式電熱水爐唔夾㗎！

畫面內容描述： 花灑超人和電熱水爐美女對視，露出「心心眼」的傳情眼神。

旁白： 雖然裝到上去，但唔代表啱用㗎！

畫面內容描述： 花灑超人按下身上的開關水閥，水閥顯示由「開」「ON」變成「關」「OFF」。

旁白： 如果鬥咗個開關，又開著個爐嚟煲水，有機會搞到個爐嘅壓力越谷越大，排唔到出嚟，可能會發生爆炸㗎！

畫面內容描述： 鏡頭沿着花灑頭下面紅色的水喉一直移動，直至看到電熱水爐美女。電熱水爐美女體內的壓力越來越大，全身逐漸變成紅色，最後爆炸。旁邊的花灑超人露出驚嚇的表情。

旁白： 所以記住喇，有開關水掣嘅花灑頭，同花灑儲水式電熱水爐，唔係朋友㗎！

畫面內容描述： 花灑超人含淚在社交網站上「移除」「unfriend」了電熱水爐美女。

旁白： 但係同其他款式嘅電熱水爐呢，就襯到喇！

畫面內容描述： 花灑超人在社交網站上發現了其他款式的電熱水爐美女，露出「心心

眼」。

旁白： 買之前要先搞清楚呀！
完！

畫面內容描述： 畫面出現「有開關水掣嘅花灑頭同花灑儲水式電熱水爐係唔夾㗎！！」的字樣，然後花灑超人變回橙髮男孩，說了一個「完」字。畫面右下角顯示機電工程署的資料：
查詢：1823
網址：www.emsd.gov.hk
完